



**R.P. Leonardi Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Art. 2. Vtrum electio conueniat pueris ante vsum rationis, & amentibus.

[urn:nbn:de:hbz:466:1-72898](#)

² tem esse habitum electuum. Secundò, Pro acceptatione alicuius medij è multis ad finem conducentibus. Hoc modo accipitur in hac Quæstione.

ARTICVLVS I.

Vtrum electio sit actus voluntatis.

^{El. dio est} ^{actus vo-} ^{tunatis.} **C** Oncl. Electio est actus elicitus à voluntate, qui tamen peculiarem ordinem ad rationem dirigentem habeat.

Prior pars patet tūm ex Aristot. lib. 3. Ethic. c. 3. vbi ostendit, electionem esse appetitum consultum, id est, qui sequitur consultationem: tūm ex communi modo loquendi; propositis enim multis nemo confutare elegisse (etiam si intellectu iudicet unum ceteris praestare) donec illud præceteris velit; ergo eligere est velle.

Altera pars patet ex Aristotele 6. Ethic. c. 2. vbi dicit, electionem esse vel intellectum appetitum, (vñ òpèxtròv) vel appetitum intellectum, (òpèziv vñtròv) quibus verbis insinuat electionem pertinere etiam ad intellectum tamquam ad dirigentem. Nullus est enim actus voluntatis, qui tantam intellectus considerationem postuleret: vt enim eligas, debes considerare finem & media, & mediorum inter se ad finem proportionem & circumstantias. Hinc D. Thomas ait, electionem formaliter esse actum rationis, materialiter voluntatis; nempe quia modum & speciem suam accipit ex collatione mediorum facta per rationem: sine qua collatione si aliquod medium acceptetur, non erit propriè electio, sed simplex acceptatio.

ARTICVLVS II.

Vtrum electio conueniat brutis?

³ Negatur. **C** Onclusio est, Electionem non esse in brutis. Probatur Primo, Quia proposito obiecto, bruta non sunt indifferentia ad illud prosequendum, vel non prosequendum; sed in illud feruntur necessariò, vel necessariò non feruntur. Atqui ad electionem requiritur indifferentia; aliquo non est electio, sed naturæ impulsus & necessitas. Vide Caietanum. Secundò, Ad electionem requiritur ut possis media inter se & ad finem conferre, & cognoscere quid cui præstet in ordine ad finem. Nam electio est appetitio eius, quod consultatione est conclusum; vt ait Arist. 3. Ethic. c. 3. Atqui bruta non possunt consulta-re, nec media inter se & ad finem comparare.

DVBIUM.

Vtrum electio conueniat pueris ante usum rationis, & amentibus?

⁴ Affirmatur. **R** Epondeo, His verè conuenire electionem. Primo, Quia his conuenit cōsultatio: possunt enim media inter se cōparare, & expendere quidnam è multis ad finem sit commodius; quod est consilium.

Secundò, si amens, vel puer interrogetur, cur

hoc faciat, vel cur hoc potius quam illud? rationem reddet ex ordine ad finem.

Tertio, Quia in illis est sufficiens notitia boni delectabilis & conuenientis naturæ: distinguunt enim inter delectabile & delectabilius, inter conuenientis naturæ & conuenientius; & norunt rationem reddere, cur hoc illo sit delectabilius vel conuenientius; distinguunt etiam inter media quæ ad hæc conducunt, & norunt utrum è duobus sit utilius.

Hinc tamen non sequitur, eos posse peccare, ^{pueri, et si} quia ad hoc nō sufficit libertas vel libera electio, ^{liberis finit,} peccare sa-^{men non} sed etiam requiritur notitia boni & mali moralis, ^{possunt} quam illi non habent. Non enim possunt perpen-dere; utrum aliiquid sit consentaneum dictaminis recte rationis, seu iudicio prudentiae. Priùs enim quisque habet notitiam boni delectabilis & conuenientis naturæ, quam boni honesti; quia hoc est superioris ordinis.

ARTICVLVS III.

Vtrum media elegantur, an etiam finis?

C Onclusio est, Electionem solum esse mediorum, non autem finis. Senitus est; Nihil propriè dicitur eligi, nisi quod consideratur ut medium conferens ad aliquem finem: id autem quod habetur loco finis, non dicitur eligi, sed supponitur electioni.

Probatur Primo, Quia electio sequitur consultationem & sententiam (quæ est consultationis conclusio:) atqui consultatio non est de fine(nam in omni consultatione supponitur aliquis finis tamquam principium, vnde tota consultatio pendat) sed tantum de medijs; ergo & electio.

Probatur Secundò, Quia omnis volitio finis est vel amor, vel intentio, vel fruitio: atqui electio nihil horum est, & præterea oritur ex intentione, ergo non potest versari circa finem, sed circa media.

Dices, Homo, propositis pluribus finibus, etiam ultimis, deliberat quis ex illis sit amplectendus; ac tandem unum ex illis eligit: ergo electio etiam versatur circa finem.

Respondeo Negando conseq. si loquamus de fine formaliter; nam illa deliberatio & electio procedit ex intentione alicuius finis communis seu formalis, qui vt possit obtineri, consultatio instituitur, in qua materia, id est, in quibus rebus ille sit constitutus. Itaque iste homo non eligit finem formalem, sed materiam finis formalis, quam considerat instar medijs; per quod finem formalem possit obtainere. Ut cum quis querit utrum beatitudo consistat in voluptatibus huius vita, an vero in Deo? Vbi viderit in Deo consistere, eligit Deum tamquam materiam in qua reperiat finis formalis, quæ hic est beatitudo in genere. Itaque electio non est nisi de medijs, vel de ijs quæ instar mediorum considerantur.